

Úrskurður aga- og úrskurðarnefndar KSÍ

Ár 2022, þriðjudaginn 21. júní, er fundur haldinn í aga- og úrskurðarnefnd KSÍ á skrifstofu Knattspyrnusambands Íslands í Laugardal, Reykjavík, af nefndarmönnum Ástu Björk Eiríksdóttur, Presti Ríkharðssyni og Björg Ástu Þórðardóttur.

Fyrir er tekið málið nr. 4/2022:
Kf Álafoss, kt. 590117-2180
gegn
Ými, kt. 630981-0269

Gögn málsins merkt nr. 1-2 liggja frammi. Er nú í nefndinni kveðinn upp svofelldur

ÚRSKURÐUR:

I.

Kærandi:

Kf Álafoss, kt. 590117-2180
Vefarastræti 11, 109
270 Mosfellsbæ
Fyrirsvarsmaður: Patrekur Helgason

Kærði:

Ýmir, kt. 630981-0269
Furugrund 83
200 Kópavogi
Fyrirsvarsmaður: Baldur Már Bragason

Mál þetta er mótttekið af skrifstofu KSÍ 18. maí sl. Kærða var gefinn kostur á að skila greinargerð innan viku með bréfi dags. 19. maí sl. Svar barst frá kærða þann 27. maí sl.

Kröfur:

Kröfur kæranda eru að Kf Álafoss verði dæmdur 3-0 sigur í leik liðanna er fram fór þann 13. maí 2022 í Íslandsmóti karla, 4. deild, D-riðli.

II.

Málsatvik og ágreiningsefni:

Kærandi lýsir málavöxtum svo að í leik liðanna er fram fór þann 13. maí 2022 í Íslandsmóti karla, 4. deild, D-riðli, hafi Ýmir notað ólöglegan leikmann. Nánar tiltekið

hafi leikmaður Ýmis, Sigurjón Óli Vignisson, átt að vera í leikbanni í umræddum leik með vísan til úrskurðar aganefndar frá 7. september 2021.

Máli sínu til stuðnings vísar kærandi til gr. 8.2. í reglugerð KSÍ um deildarkeppni karla.

III.

Hinu kærða félagi var gefinn kostur á að skila greinargerð og barst svar frá félaginu þann 27. maí sl. Ekki eru gerðar athugasemdir við málavaxtalýsingu af hálfu kærða og vísað til þess að um mistök hafi verið að ræða hvað varðar umræddan leikmann.

IV.

Niðurstaða:

Í máli þessu hefur Kf Álafoss kært Ými fyrir að nota ólöglegan leikmann í Íslandsmóti karla, 4. deild, D-riðli. Felst í því að kærandi telur Ými hafa verið með ólöglega skipað lið í tilteknum leik, sbr. gr. 36.1 í reglugerð KSÍ um knattspyrnumót.

Ekki er ágreiningur um að umræddur leikmaður kærða var með úrskurði aga- og úrskurðarnefndar þann 7. september 2021 úrskurðaður í leikbann. Ljóst er af fyrirbyggjandi gögnum að tilgreindur leikmaður kærða lék með liðinu í leik liðsins við kæranda er fram fór þann 13. maí 2022 í Íslandsmóti 4. deild, D-riðli, þrátt fyrir að hafa verið í leikbanni. Er það brot á grein 36.1. í reglugerð KSÍ um knattspyrnumót og telst lið Ýmis í umræddum leik því hafa verið ólöglega skipað.

Ber skv. þessu að taka kröfur kæranda hvað þetta varðar til greina og skulu úrslit í leik Kf Álafoss gegn Ými í Íslandsmóti karla, 4. deild, D-riðli, sem fram fór þann 13. maí 2022 breytt og hann dæmdur tapaður fyrir Ýmir með markatölunni 0-3.

Skylt er samkvæmt gr. 36.1 í reglugerð KSÍ um knattspyrnumót, að dæma kærða til greiðslu sektar samhliða viðurlögum við þessu broti og skal kærði greiða kr. 50.000,- í sekt til KSÍ.

V.

Um fresti vegna áfrýjunar:

Samkvæmt grein 16.3. í reglugerð KSÍ um aga-og úrskurðarmál er frestur til að áfrýja máli til áfrýjunardómstóls KSÍ 3 dagar frá því að úrskurður aga- og úrskurðarnefndar er kveðinn upp og skulu almennir frídagar ekki taldir með.

VI.

Úrskurðarorð:

Úrslitum í leik Kf Álafoss gegn Ými í Íslandsmóti karla, 4. deild, D-riðli, sem fram fór þann 13. maí 2022 á gervigrasvellingnum í Kórnum er breytt og skal leikurinn dæmdur tapaður fyrir Ýmir með markatölunni 0-3.

Kærða, Ými, ber að greiða kr. 50.000 í sekt til KSÍ.

Ásta Björk Eiríksdóttir [sign]

Þróstur Ríkharðsson [sign]

Björg Ásta Þórðardóttir [sign]